

# **Kommuneqarfik Sermersooq**

**MI - Meeqqanut Ilaqutariinnullu Ataatsimiititaq / Udvalg for Børn og Familie (190131 Ileqquusumik ataatsimiinneq)**

**31-01-2019 14:00**

**kommunalbestyrelsit ataatsimiittarfiani**

# Mødeindhold

Punkt	Side
<a href="#">Punkt 0: Saqqaa</a>	1
<a href="#">Punkt 1: Oqaluuserisassat akuerineqarneri</a>	2
<a href="#">Punkt 2: Nalunaarutit</a>	3
<a href="#">Punkt 3: Ilisimatitsissutit</a>	4
<a href="#">Punkt 03A: Ineriartortitsinissamut Pilersaarut pillugu killiffimmik nalunaarusiaq MI</a>	5
<a href="#">Punkt 4: Aalajangiiffissat</a>	8
<a href="#">Punkt 5: Suliat Aningaasaqarnermut Inuussutissaqarnermullu Ataatsimiititamut</a>	9
<a href="#">Punkt 05A: Nuummi Pinaveersaartitsinermit Ataatsimiititaliamut 2019-imut</a>	10
<a href="#">Punkt 05B: Piginnaatitsinermit agguataarinissamut pilersaarut</a>	12
<a href="#">Punkt 05C: Tusarniaanermi akissut Uunga siunnersuut: Isumaginninnermi</a>	13
<a href="#">Punkt 6: Taasariaqartut allat</a>	16
<a href="#">Punkt 7: Oqaluuserisassat matoqqasut</a>	17
<a href="#">Punkt 8: Imaqarniliap akuerineqarnera</a>	18

## Punkt 0: Saqqaa

Uju Petersen (IA), formand

Rasmine Geisler (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)



## Punkt 2: Nalunaarutit

2A. Siulittaasumit nalunaarutit

2B. Ingerlatsivimmit nalunaarutit



## Ineriartortitsinissamat Pilersaarut pillugu killiffimmik nalunaarusiaq MI 2017-2020

Killiffimmik nalunaarusiaq 6, 2018-imi kvartalit sisamaat

Ilisimatitsissut

J. nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

### Suliap eqikkarnera

Ineriartortitsinissamat Pilersaarut pillugu killiffimmik nalunaarusiaq 6 MI 2017-2020 piffissamat 2018-imi oktobarip ulluisa aallaqqaataanniit decembarip ulluisa 31-iannut atuuppoq.

Sammissassaqarnermut pilersaarut 2018-imi septembarip ulluisa 13-ianni akuersissutigineqartooq naapertorlugu killiffimmik nalunaarusiaq sularineqarpoq.

Nalunaarusiami allaqqasut naapertorlugit pilersaarummit nikingasut makkuupput:

- Sullissinnerup nukittorsarneqarnera
- Suliatigut aqutsineq ilikkalertornartoq ineriartuutaasorlu
- Oqartussaaffeqarfiup aamma Pitsaaliuinermit Katsorsaanermullu Immikkoortup akornanni suleqatigiinneq

Nalunaarusiami allaqqasut naapertorlugit allat siuariartorput.

### Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Aingaasaqarnermut Inuussutissarsiornermullu Ataatsimiititamat ingerlateqqinneqassasoq

### Suliap saqqummiunneqarnera

Oqartussaaffeqarfimmi 2018-ip kvartalit sisamaanni allaffeqarfimmi tunngavik suleriaatsillu nutaat ataavartumik iluarsivigineqarlutik sularineqartuupput. Tamatuma saniatigut eqqortumik sullissineq pillugu kisitsisit uuttugassat aalajangersarneqarput.

Pitsaaliuinermit Katsorsaanermullu Immikkoortumi aqqissuussap nutaap ineriartortinneqarnera ingerlanneqarpoq. Sullissilluni misissuinermit innersuussutit kiisalu suliniutit arlallit meeqqanik inuusuttunillu angerlarsimaffiup avataanut inissiisarneq annikillisarinnissaanut anguniakkamik ikorfartuisussat pilersinneqarneri tunngavigalugit aqqissuussisoqarpoq. Ingerlatsiviup neqeroorutaanut suliat allattorsimaffii sularialugit ingerlanneqaleruttorput. Suliat allattorsimaffiisa qaqugu naammassineqarnissaat maannangaaq oqaatigineqarsinnaanngilaq. Pitsaaliuinermit Katsorsaanermullu Immikkoortumut uuttuutit aalajangersarnissaannut suliat allassimaffii tunngaviliisuussapput.

Piffissami pineqartumi ineriartortitsinissamat pilersaarummit nikingassutaasut makkuupput:

- Sullissinnerup nukittorsarneqarnera
- Oqartussaaffeqarfiup aamma Pitsaaliuinermit Katsorsaanermullu Immikkoortup akornanni suleqatigiinneq

### Aaqqiissutissat siunnersuut – suliatigut naliliineq

#### Sullissinnerup nukittorsarneqarnera

Oqartussaaffeqarfimmi suliatigut aqqissuussap nutaap taavalu allaffissornikkut tunngavissap suleriutsillu atuutsinniarneqarneri pilersaarutit naapertukannerlugit ingerlanneqarput.

Aaqqissuusseqqinnerup naluneqanngitsutut kingunerisaanik sulianut meeqqanut tunngatillugu piffissaq eqqorlugu eqqortumillu sullissinermik qulakkeerinninniarnermik siunertaqarpoq.

Tamatuma pinissaanut sulisut piukkunnaatillit sulianik sularinnissinnaasut pigineratigut tunngaveqarpoq. Oqartussaaffeqarfimmi sullissisut ajorluartumik suli sulisunik piukkunnaatilik amigaateqartuarsinnarput kiisalu sulisut akornanni suliartunngitsoortarneq annertulluni. Tamatuma kingunerisaanik sullissinnerup kissaatigisatut qaffasissusaa suli anguneqanngilaq. Tamanna iliuseqarfiginiarlugu suliat sulianik malinnaatitanit malinnaaffigineqaaqqissaarput. Taamatut



suliaqarnerup kinguneersaanik sullissinerup aacqissuulluga allissasooq maatsorsuutigineqarpoq. Sulianik malinnaatitaasut saniatigut suleqatigiinnik allanik peqarpoq suliat annertuallaaleraangata ikiuuttartunik.

Tamatuma saniatigut sulisut piukkunnarsarneqarnissaannik siunertaqartumik sulisoqarpoq. Nakkutilliinermut siunnersortip ingerlatsivimmi soraarnissi tikillugu suliffiup iluani inatsisit sullissinerlu pillugit pikkorissartitsisarpoq. Tamatuma saniatigut isumaginninnermi sulianik misissuisarnerit pikkoriffiginerulerniarlugit Aalborgip Kommunianik suleqateqalernissaq anguniarneqarpoq. Aalborgip Kommunianit isumaginninnermut siunnersortit marluk 2019-imi februaarip qiteqqunneraniit qaammatini marlunni sulisussat isumaqatigiissuteqarfigneqarput. Tamatuma saniatigut Innersuussisartoqatigiinni paarlattaasussamik isumaginninnikkut suliatigut misissuinerup suliarinerani sapaatip-akunneranut ulluni pingasuni sulisartussamik atorfinitsitsisoqarpoq. Iliuusissatut pilersaarutit pitsaanagerusumik suliarisalernissaat anguniarlugu, Ilaqutariinnut Immikkoortotaqarfimmi sullissisut sapaatip-akunneranut pingasoriarlutik sungiusartinneqartarput. Suleqatigiit aqutsisuat suleqatigalugu Deloitte iliuusissatut pilersaarutininik sungiusaasarput.

#### Suliatigut aqutsineq ilikkalertornartoq ineriartuutaasorlu

Suliatigut aqutsinikkut nakkutilliineq ilinniarfiusoq ineriartortorlu pillugu allaffissornikkut aacqiissutaasussap Mitra-p suliarineqarnera naammassereerlunilu kalaallisuunngortinneqareerpoq. Tamatuma saniatigut aqutsinermi nakkutilliinermut anguniakkat ilusilersuinissarlu siunertaralugit isumasioqatigiisitsisoqarpoq. Isumasioqatigiisitsinermi pisortat suleqatigiit, Oqartussaaffeqarfimmi aqutsisut suleqatigiit, nakkutilliinermut siunnersorti aamma AC-fuldmægtigi peqataapput. Suliat 30-t nakkutigisassatut aalajangikkat kvartalit sisamaanni ingerlatsiviup nakkutilliinermut siunnersortaanit nakkutigineqarput. Suliatigut aqutsinermi nakkutilliineq ilinniarfiusoq ineriartortorlu suli naammassineqanngilaq.

#### Oqartussaaffeqarfiup aamma Pitsaaliuinnermut Katsorsaanerullu Immikkoortup akornanni suleqatigiinneq

Ingerlatsivimmi Oqartussaaffeqarfiup taavalu Pitsaaliuinnermut Katsorsaanerullu Immikkoortotap akornanni suleqatigiinnerup annertusarneqarnissaanut pilersaarutit naapertukannerlugit ingerlanneqarpoq. Taamaattoq iliuseqarfissariniakkat pillugit malitseqartitsinermut ataatsimiinnernut sullissisut takkuttarnissaat suli ajornartorsiutigineqarpoq. Ataatsimeeqatigiittarnissanut pineqartunut takkuttarnissaq qanoq pingaaruteqartiginersoq arlaleriarlugu erseqqissaatigineqartarpoq. Oqartussaaffeqarfimmi ilaqutariinnik sullissisut taavalu Pitsaaliuinnermut Katsorsaanerullu Immikkoortumi immikkoortotaqarfiit assigniingitsut akornanni ataatsimut ataatsimiittarnissaq isumaqatigiissutigineqarpoq. Susassaqarfiit marluusut akornanni suleqatigiinnissaq ataatsimiinnermi eqqartorneqassaaq, taavalu susassaqarfiit marluusut akornanni qanoq naatsorsuuteqartoqarnerisooq aamma eqqartuisoqarumaarluni.

*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavigisat allagaatillu tunngaviliiviusut*  
Ineriartortitsinissamat Pilersaarut MI 2017-2020

*Ingerlariaqqinnissaq*  
Ineriartortitsinissamat Pilersaarut MI 2017-2020 naapertorlugi ineriartortitsinissamat sulineq ingerlateqqinneqassaaq.

**Aningaasaqarnermut Allattoqarfimmit oqaaseqaatit**  
Aningaasaqarnermut Allattoqarfimmit oqaaseqartitsisoqarsimangilaq.

**Innuttaasunik peqataatitsineq/attaveqatigiinneq**  
Soqanngilaq

**Ingerlatsivinnit allanit oqaaseqaatit**  
Ingerlatsivinnit allanit oqaaseqartitsisoqarsimangilaq.





# Punkt 03A: Ineriartortitsinissamut Pilersaarut pillugu killiffimmik nalunaarusiaq MI 2017-2020 Killiffimmik nalunaarusiaq 6, 2018-imi kvartalit sisamaat

## **Ilanngussat**

Ilanngussaq 1: Killiffimmut nalunaarusiaq 6, 2018-imi kvartalit sisamaat

Ilanngussaq 2: Nassuiaat: Nalilersuineq Suleriaatsinik nutaanik ESDHmilu nalunaarsuiffimmik atuutilersitsineq

Ilanngussaq 3: Allakkiaq: Killiffimmik allakkiaq 5, 2018-imi qaammatit arfinilissaannit qulingiluaannut atuuttoq Ineriartortitsinermut pilersaarut 2017/2020

Meeqqat, Inuusuttut Ilaqutariillu

Ilanngussaq 4: Allakkiaq: Killiffimmik allakkiaq 6, 2018-imi qaammatit pingasut kingulliit atuuttoq Ineriartortitsinermut pilersaarut 2017-2020 – Meeqqat, Inuusuttut

Ilaqutariillu



# Punkt 5: Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ingerlateqqitassat

## **Nuummi Pinaveersaartitsinermut Ataatsimiititaliamut 2019-imut iliuusissatut pilersaarussiaq**

Ilisimatitsissut

J nr: 48.02

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

### **Suliap eqikkarnera**

Nuummi Pinaveersaartitsinermut Ataatsimiititaliamut 2019-imut iliuusissatut pilersaarussiaq matumuuna Kommunalbestyrelsimut saqqummiunneqarpoq. 2019-imut Iliuusissatut pilersaarussiaq ilanngunneqarpoq.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut innersuussutigaa:

- Ilisimatitsissut tusaatissatut tiguneqassasoq
- Suliaq Aningaasaqarnermut Inuussutissarsionermullu Ataatsimiititamut Kommunalbestyrelsimullu ilisimatitsissutitut ingerlateqqinneqassasoq

### **Suliap saqqummiunneqarnera**

Namminersorlutik Oqartussat nalunaarutaat nr 18, 18. maj 2001-imeersumi § 3 naapertorlugu Nuummi Pinaveersaartitsinermut Ataatsimiititaliaq 2019-imi pinaveersaartitsinermut peqqissutimillu siuarsaanissamut iliuusissatut pilersaarusiorsimavoq. Matumuuna iliuusissatut pilersaarut Kommunalbestyrelsimut ilisimatitsissutitut saqqummiunneqarpoq.

Pinaveersaartitsinermut Ataatsimiititaliami 2019-imi suliassatut sammeneqarnerusussat tassaapput:

- Siunnersorteqarnek
- Attaveqaatinik siuarsaaneq
- Ataqaatigiissaarinek ilisimasanillu avitseqaatigiinneq

### *Aaqqiissutissatut siunnersuut – suliatigut naliliineq*

Nuummi Pinaveersaartitsinermut Ataatsimiititaliaq oqartussaasunit assigiinngitsunit tamanit ilisimasanik aalajangiinissamullu piginnaasanik annertuunik katersaqarpoq.

Pinaveersaartitsinermut Ataatsimiititaliap ilisimasat piginnaasallu tamakku pinaveersaartitsinermut tunngatillugu atituumik ingerlalluartumillu suleqatigiilluarnissamut atorluaqqinissaat kissaatigaa.

Taamaattumik ataatsimiititaliap sulinera 2019-imi attaveqaateqarnermut siunnersuinerimullu atorluarnissaa aalajangiuisimaneqassaaq. Qinikkat, aalajangiisartut aallarnissaasullu Nuummi Pinaveersaartitsinermut Ataatsimiititaliamut attaveqaqqullugit kaammattorneqarput, pinaveersaartitsinermut suliniutinut periusissianullu aalajangersimasanut siunnersorneqarnissamik avitseqaatigiinnissamillu apeqquteqaatinut tunngatillugu.

Nuummi Pinaveersaartitsinermut Ataatsimiititaliaq 2018-imi Nuummi pinaveersaartitsinermut suliniutit pillugit takussutissamik suliaraqsimavoq. Takussutissaq ataavartumik nutarterneqartassaaq suliffimmilu sakkussatut atorneqassalluni, ataatsimiititaliap siunnersuisartutut atuunnera ikorfartussallugu. Takussutissaq Nuummi Pinaveersaartitsinermut Ataatsimiititaliap 2019-imut Iliuusissatut pilersaarutaanut ilanngunneqarpoq.

*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavigisat allagaatillu tunngaviliiviusut*

Najukkani pinaveersaartitsinermut ataatsimiititaliat pillugit Namminersornerullutik Oqartussat nalunaarutaat nr. 18, 18. maj 2001- imeersoq

*Ingerlariaqqinnissaq*

Pinaveersaartitsinermut Ataatsimiititaliap iliuusissatut pilersaarut saqqummiunneqartoq naapertorlugu 2019-imi sulinini nangeqqissavaa.

**Aningaasaqarnermut Allattoqarfimmit oqaaseqaatit**

Aningaasaqarnermut Allattoqarfimmit oqaaseqartitsisoqarsimangilaq.

**Innuttaasunik peqataatitsineq/attaveqaqatigiinneq**

Soqanngilaq

**Ingerlatsivinnit allanik oqaaseqaatit**

Nuummi Pinaveersaartitsinermut Ataatsimiititaliap 2019-imut Iliuusissatut pilersaarutaa ataatsimiititaliami ilaasortat suleqatigalugit suliarineqarpoq. Meeqqanut Ilaqutariinnullu Ataatsimiititaliaq aamma Meeqqanut Atuarfinnullu Ingerlatsivik ataatsimiititaliami ilaasortaataqarpoq.

**Ilanngussat**

1. Nuummi Pinaveersaartitsinermut Ataatsimiititaliamut 2019-imut iliuusissatut pilersaarussiaq



### **Tusarniaanermi akissut**

Uunga siunnersuut: Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. xx, xx. xxx 2019-imeersoq.

Aalajangiiffisassaq

J nr: 00.00.00-A00-4-19

Suliffeqarfimmi Kiffartuussivik – Kommunaldirektøri Lars Møller-Sørensen / LMS

### **Suliassamik eqikkaaneq**

Kommune januarip 16-anni 2019 "Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. xx, xx. xxx 2019-imeersoq" pillugu Namminersorlutik Oqartussanit tusarniaassummik tigusaqarpoq.

Tusarniaanermut akissuteqarnissamut februaarip 20-at killiliunneqarpoq.

Akissuteqarnissamut piffissaliussap sivikitsuararsuunera pissutigalugu allaffissornikkut tusarniaanermut akissuteqaat piffissap tusarniaaffiusup iluani politikikkut suliarineqarsinnaavoq. Taamaattumik allaffeqarfik tusarniaanermut akissuteqaasiorpoq, politikikkut oqaluuserineqarnissaanik sillimaffigineqartussanngorlugu.

Tusarniaanermut politikikkut akissuteqaat piffissaliussaq qaangiuppat kingusinnerusukku nassiunneqassaaq.

Nalunaarutissatut siunnersuut ilanngunneqarpoq.

### **Inassuteqaat**

Suliffeqarfimmi Kiffartuussiviup Meeqqanut Ilaqutariinnullu Ataatsimiititamut aamma Isumaginninnermut Suliffeqarnermullu Ataatsimiititamut inassuteqaatigaa:

- ataatsimiititat politikikkut tusarniaanermut akissuteqaammik suliaqassasut
- suliaq Aningaasaqarnermut Inuussutissarsiornermullu Ataatsimiititamut inaarutaasumik aalajangiiffisassanngorlugu ingerlateqqinneqassasoq, aammalu
- Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Kommune januarip 16-anni 2019 "Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. xx, xx. xxx 2019-imeersoq" pillugu Namminersorlutik Oqartussanit tusarniaassummik tigusaqarpoq.

Tusarniaanermut akissuteqarnissamut februaarip 20-at killiliunneqarpoq.

Akissuteqarnissamut piffissaliussap sivikitsuararsuunera pissutigalugu allaffissornikkut tusarniaanermut akissuteqaat piffissap tusarniaaffiusup iluani politikikkut suliarineqarsinnaavoq. Taamaattumik allaffeqarfik tusarniaanermut akissuteqaasiorpoq, politikikkut oqaluuserineqarnissaanik sillimaffigineqartussanngorlugu.

Allaffeqarfimmit siunnersuutigineqarpoq, politikikkut tusarniaanermut akissuteqaasiorpoq. Tusarniaanermut politikikkut akissuteqaat piffissaliussaq qaangiuppat kingusinnerusukku nassiunneqassaaq.

Nalunaarutissatut siunnersuut ilanngunneqarpoq.

Nalunaarut maannakkut atuuttoq "Meeqqat tapersorsorneqarnissaannut Inatsisartut inatsisaat nr 20, 26 juni 2017-imeersoq"-mut tunngatillugu aalajangersakkanik arlalinnik atuutilersitsineruvoq, tassani meeqqanut tunngasunut erseqqinnerusunik malittarisassiornissamut periarfissiinissamut Naalakkersuisut peqquneqarlutik.

Nalunaarummi makku malittarisassaliorneqarput:

Isumaginninnermut inatsimmut kommunalbestyrelsiq allaffeqarfiullu pingaarnertut nakkutilliinera. Nalunaarummi Naalakkersuisut qitiusumik nakkutilliisartuisa pingaarnertut inatsisitigut, aningaasatigut isumaginninnermilu suliatigut kommunalbestyrelsiq allaffeqarfiisa sulisoqarfiisalu taakkununga attuumassutillit nakkutilliinissaat.

Kommunini meeqqanik nalinginnaasumik inummut sammititamik nakkutilliineq  
Nalunaarummi Kommunalborgstyrelsiq kommunimi meeqqat inuunermi atugarisaannik tamanik nakkutilliinissaannik peqquneqarput. Nakkutilliinermi qulakkeerneqassaaq, meeraq imaluunniit meeqqat ataatsimoortut, immikkut ittumik tapersorsorneqarnissaminnik pisariaqartitsisuuersut, sapinngisamik piaartumik ilisimalersimanissaat.

Kommunini meeqqanik ataasiakkaanik nakkutilliineq  
Nalunaarummi meeqqat angerlarsimaffiup avataanut inissinneqarsimasut ikinnerpaamik ukiumut marloriarluni nakkutilliartorfigisarnissaat kommunalborgstyrelsimut peqqussutigineqarpoq.

Ilaqutariinni paarsisartuni annertusisamik nakkutilliineq  
Nalunaarummi kommunalborgstyre, ilaqutariinnik paarsisartuni akuersissummik tunniussaqaarsimasoq, ilaqutariinni paarsisartuni annertusisamik nakkutilliinissaannik pisussaaffilerneqarpoq. Nakkutilliinermi qulakkeerneqassaaq, ilaqutariit paarsisartut ilaqutariittut paarsisartuunissamut piumasaqaatinik suli naammassinninersut.

Ulloq unnuarlu paaqqinnittarfinnik annertusisamik nakkutillineq  
Nalunaarummi Naalakkersuisut qitiusumik nakkutilliisartui meeqqanut ulloq unnuarlu paaqqinnittarfinnik annertusisamik nakkutilliinissaannik pisussaaffilerneqarput. Nakkutilliartortut ulloq unnuarlu paaqqinnittarfiup pisariaqartinneqartumik pitsaassuseqartuarnissaannik qulakkeerinissapput akuersissummullu akuersinissamut piumasarineqartunik naammassinnittoqarsimanersoq qulakkeerlugu.

*Aaqqiissutissatut siunnersuut – suliatigut naliliineq*

Meeqqanut Ilaqutariinnullu Ingerlatsivimmi aammalu Isumaginninnermut Suliffeqarnermullu Ingerlatsivimmi allaffeqarfiit, allaffeqarfikkut tusarniaanermut akissuteqaammik suliaqassapput, politikikkut kingusinnerusukku oqaluuserineqarnissaannik sillimaffigineqartussamik.

Politikikkut tusarniaanermut akissuteqaammik suliaqartoqassappat, taanna sapinngisamik piaartumik kingusinnerusukku nassiunneqassaaq, Aningaasaqarnermut Inuussutissarsiornermullu Ataatsimiititami februarip 28-iani ataatsimiinnermi, tusarniaanermi akissuteqarnissamut piffissaritinneqartup avataaniikkaluartoq, oqaluuserineqareerpat.

*Aningaasatigut sulisoqarnikkullu naliliinerit*

Soqanngilaq

*Inatsisitigut tunngavissaq allakkallu tunngaviusumik uppersaataitallit*

Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq Isumaginninnermut tunngasunik nakkutilliineq pillugu Namminersorlutik Oqartussat nalunaarutaat nr. 6, 16. februar 2006-meersoq

*Ingerlariaqqinnissaq*

Tusarniaanermut piffissaritinneqartoq qaangiutereerpat politikikkut tusarniaanermut akissuteqartoqassappat kingusinnerusukku nassiunneqarumaarpoq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq



**Ilanngussat**

Ilanngussaq 1 Tusarniaanermi allagaq

Ilanngussaq 2: Isumaginninnermi suliaasaqarfimmi nakkutiliisameq pillugu Namminersorlutik Oqartusaat

Oqartusaat nalunaarutaat nr. xx, xx, xx, 2019-imeersoq.





